

KANTON SARAJEVO STRUČNA SLUŽBA ZA ZAJEDNIČKE POSLOVE
ulica Reisa Džemaludina Čauševića br. 1 71 000 Sarajevo, ID broj: 4200667410006
zastupana po načelniku Fikretu Jašareviću, (u daljem tekstu Kupac)

i

„UNILAB“ d.o.o. Sarajevo

ul. Drinska 70, 71 000 Sarajevo, ID broj: 4200054160007
koga zastupa direktor Hazim Šahbaz (u daljem tekstu Prodavač)

zaključili su

UGOVOR

o nabavci, isporuci i ugradnji opreme za kontrolu prolaza u server sobi

Član 1.

Ovim Ugovorom ugovorne strane utvrđuju prava i obaveze vezana za nabavku, isporuku i ugradnju opreme za kontrolu prolaza u server sobi u skladu sa ponudom broj: 11-5-1004 od 07.11.2020. godine, dostavljene po pozivu za ponudom za nabavku, isporuku i ugradnju opreme za kontrolu prolaza u server sobi

Prodavač se obavezuje izvršiti ugradnju opreme iz stava 1. ovog člana Kupcu, a Kupac platiti istu prema odredbama ovog Ugovora, a u skladu sa cijenama koje su date u gore navedenoj ponudi, koja je sastavni dio ovog Ugovora.

Član 2.

Prodavač se obavezuje da će isporuku i ugradnju proizvoda iz tačke 1. ovog Ugovora vršiti franco “Centralna zgrada Kantona Sarajevo” u ul. Reisa Džemaludina Čauševića 1 (server soba).

Član 3.

Nabavku i ugradnju kontrole prolaza iz ovog Ugovora obavljat će se po cijenama i kvalitetu prihvaćenim u ponudi broj: 11-5-1004 od 07.11.2020. godine, u vrijednosti od:

| | |
|--------------------------------|--------------------|
| Ukupna cijena bez PDV-a | 1.337,20 KM |
| PDV 17 % | 227,34 KM |
| Ukupna cijena sa PDV-om | 1.564,54 KM |

Slovima: (hiljadapetstošezdesetičetiri 54/100).

Član 4.

Obim ugradnje iskazan u tački 1. ovog Ugovora, obuhvata:

- izradu potrebne instalacije;
- montažu opreme;
- programiranje sistema i puštanje u rad;
- obuku korisnika u rukovanju sistemom.

Član 5.

Za ugovorenu opreme iz tačke 1. ovog Ugovora Prodavač daje garanciju na kvalitet i funkcionalnost u trajanju od minimalno:

-12 (dvanaest) mjeseci od dana instalacije i puštanja u rad kontrole prolaza.

Garancija za opremu obuhvata sve kvarove nastale uslijed grešaka u projektovanju, proizvodnji i materijalu.

Garancija podrazumijeva obavezu davaoca garancije (proizvođača) da bez naknade otkloni sve nedostatke i/ili neispravnosti koje su nastale na opremi za vrijeme trajanja garancije, a koje se mogu

smatrati greškom proizvođača. Garancija obuhvaća popravku ili otklanjanje utvrđenih nedostataka i/ili neispravnosti, ili zamjenu neispravnih dijelova.

Sve neispravne komponente ili dijelovi opreme ostaju vlasništvo ovlaštenog servisa.

Garancija se ne priznaje u slučaju kada je do kvara na opremi došlo uslijed:

- nepravilne, nestručne upotrebe opreme,
- neadekvatnih uslova za rada opreme,
- više sile i
- drugih nepredviđenih događaja.

Kupac gubi pravo na garanciju ako u toku garantnog perioda, bez pristanka ovlaštenog servisa, sam ili putem trećih lica vrši popravke na predmetu Ugovora.

Član 6.

Kvalitativni i kvantitativni prijem proizvoda iz ovog ugovora Kupac se obavezuje obaviti odmah po prijemu opreme. Ukoliko se utvrde kvantitativne razlike, odnosno utvrdi se oštećenje primljenih proizvoda ili ako se ustanovi da kvalitet robe ne odgovara utvrđenom kvalitetu. Kupac će sačiniti komisijski zapisnik kojeg će u roku od 3 dana dostaviti Prodavaču radi prihvatanja ili odbijanja reklamacije uz dostavljanje argumenata za odbijanje iste.

Član 7.

Prodavač je dužan da odmah po dobijanju zapisnika sa utvrđenim nedostacima, provjeri istinitost predloženih navoda i ukoliko se potvrdi tačnost iznesenih argumenata, dužan je „odmah“ a najduže u roku od 48 sata otkloniti nedostatke (izvršiti zamjenu). Ukoliko to ne učini Kupac zadržava pravo da u roku od 24 sata jednostrano raskine ovaj Ugovor i o tome pismeno obavijesti Prodavača, a isporučenu nekvalitetnu (neadekvatnu) opremu vrati Prodavaču.

Član 8.

Prodavač će fakturisati ugrađenu opremu po cijenama iz ponude broj: 11-5-1004 od 07.11.2020. godine, prihvaćene po pozivu za nabavku, isporuku i ugradnju opreme za kontrolu prolaza u server sobi. Također, Prodavač se obavezuje da će fakture za ugrađenu opremu ispostaviti odmah, a najkasnije u roku od tri dana od dana ugradnje.

Član 9.

Kupac se obavezuje platiti fakturu prodavcu u roku od 30 dana (slovima: trideset) od dana prijema fakture.

Član 10.

Ugovorne strane su saglasne da će sve izmjene i dopune ovog Ugovora regulisati dodatnim Ugovorom, uz provođenje Zakonom o javnim nabavkama (Službeni glasnik BiH 39/14) utvrđenih procedura.

Član 11.

Ovaj Ugovor se počinje primjenjivati danom potpisivanja i vrijedi do momenta ugradnje kontrole prolaza.

Član 12.

Ugovorne strane mogu jednostrano otkazati Ugovor pismenim putem sa otkaznim rokom od 15 dana.

Član 13.

Za sve sporove koje ugovorne strane ne budu mogle riješiti sporazumno, prihvataju nadležnost Suda u Sarajevu.

Član 14.

Prodavač nema pravo da zapošljava, u svrhu izvršenja ovog Ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, nadležna za dodjelu navedenog Ugovora o javnoj nabavci, najmanje šest mjeseci po zaključenju Ugovora.

Član 15.

Ovaj ugovor sačinjen je u 4 istovjetna primjerka od kojih po dva primjerka pripadaju svakoj ugovornoj strani.

KUPAC:

KANTON SARAJEVO
Stručna služba za zajedničke poslove

Z Načelnik

Fikret Jašarević

Broj: 17-11-44853-3/20

Datum: 19. 11. 2020

PRODAVAČ:

„UNILAB“ d.o.o. Sarajevo

Direktor

Hazim Šahbaz

Broj: HŠ-864/20

Datum: 23. 11. 2020. g.